



# ԵՐԵՎԱՆ ՔԱՂԱՔԻ ՆՈՐ ՆՈՐՔ ՎԱՐՉԱԿԱՆ ՇՐՋԱՆԻ ՂԵԿԱՎԱՐ

«Վ, 0062, ք. Երևան, Գայի 19, հեռ.» (+374 11) 518 686, էլ. փոստ՝ nor\_norq@yerevan.am

№ 27/19702-24

8 փետրվարի 2024թ.

«ԵՂՆԻԿԻՊԵՍ» ՍՊ ընկերություն  
Մ. ՀԱԿՈԲՅԱՆԻՆ  
(ք. Երևան, Այգեստան, 11 փ. 109տ.)

## Ծ Ա Ն ՈՒ Ց ՈՒ Մ

### Պայմանագիրը միակողմանի (մասնակի) լուծելու մասին

Երևանի քաղաքապետարանի և «Եղնիկիպես» ՍՊ ընկերության /այսուհետ՝  
Ընկերություն/ միջև կնքված ԵՔ-ԲՄԱՇՁԲ-23/30-2 ծածկագրով Կապալային  
աշխատանքների կատարման գնման պայմանագրի (այսուհետ՝ Պայմանագիր) 1.1 կետի  
համաձայն՝ «Կապալառուն պարտավորվում է սույն պայմանագրով սահմանված կարգով,  
նախատեսված ծավալներով, ձևով և ժամկետներում կատարել սույն պայմանագրի N 1  
հավելվածով սահմանված ծավալաթերթ-նախահաշվով նախատեսված Երևան քաղաքի  
Նոր Նորք վարչական շրջանի բակերի, միջբակային ճանապարհների և մայրերի  
ասֆալտրետոնե ծածկի վերոնորոգման աշխատանքները (այսուհետ՝ աշխատանք), իսկ  
Պատվիրատուն պարտավորվում է ընդունել կատարված աշխատանքը և վարձատրել դրա  
համար»:

«Քաղաքացիական օրենսգրքի 408-րդ հոդվածի համաձայն՝ «Պարտավորության  
խախտում է համարվում այն չկատարելը կամ անպատշաճ (կետանցով, ապրանքների,  
աշխատանքների և ծառայությունների թերություններով կամ պարտավորության  
բովանդակությամբ որոշվող այլ պայմանների խախտմամբ) կատարելը»:

«Քաղաքացիական օրենսգրքի 345-րդ հոդվածի 1-ին մասի համաձայն՝  
«Պարտավորության ուժով մի անձը (պարտապանը) պարտավոր է մեկ այլ անձի  
(պարտատիրոջ) օգտին կատարել որոշակի գործողություն. այն է՝ վճարել դրամ, հանձնել  
գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի  
գործողություն կատարելուց, իսկ պարտատերն իրավունք ունի պարտապանից պահանջել  
կատարելու իր պարտականությունը»:

Պայմանագրի 3.1.4 կետի «բ» և «գ» ենթակետերի համաձայն՝ Պատվիրատուն  
իրավունք ունի միակողմանի լուծել պայմանագիրը և պահանջել հատուցելու իրեն  
պատճառված վնասները, եթե.

բ) Կապալառուն խախտել է պայմանագրի 1.3 կետում նախատեսված ժամկետը (ներառյալ օրացույցային գրաֆիկը),

գ) Կապալառուի կողմից կատարված աշխատանքը չի համապատասխանում նախագծանախահաշվային փաստաթղթերով սահմանված պահանջներին:

Պայմանագրի 1.3 կետի համաձայն՝ Պայմանագրով նախատեսված աշխատանքները սկսվում են պայմանագիրն ուժի մեջ մտնելուց հետո և կատարման ժամկետը սահմանվում է՝ համաձայն հավելված 2-ի:

Պայմանագրի հ. 2 հավելվածի աշխատանքների կատարման ժամանակացույցի համաձայն՝ աշխատանքների կատարման ժամկետ է սահմանված շինարարական աշխատանքների և տեխնիկական հսկողության ծառայությունների ուժի մեջ մտնելու օրվանից սկսած մինչև 180-րդ օրացույցային օրը ներառյալ:

Պայմանագրի 2023 թվականի հոկտեմբերի 18-ին կնքված N 1 համաձայնագրի 1.1 կետի համաձայն՝ Պայմանագրով նախատեսված Երևան քաղաքի Նոր Նորք վարչական շրջանի բակերի, միջբակային ճանապարհների և մայրերի ասֆալտբետոնե ծածկի վերանորոգման աշխատանքների կատարման վերջնաժամկետը երկարաձգվել է 30 օրացույցային օրով:

«Ը քաղաքացիական օրենսգրքի 466-րդ հոդվածի 3-րդ մասի համաձայն՝ «Պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված»:

Հաշվի առնելով այն հանգամանքները, որ Ընկերությունը խախտել է Պայմանագրի 2023 թվականի հոկտեմբերի 18-ին կնքված N 1 համաձայնագրի 1.1 կետով նախատեսված ժամկետը, և Ընկերության կողմից կատարված աշխատանքի մի մասը չի համապատասխանում նախագծանախահաշվային փաստաթղթերով սահմանված պահանջներին՝ Նոր Նորք վարչական շրջանի ղեկավարի աշխատակազմը միակողմանի հրաժարվում է Պայմանագրից մասնակի՝ համարելով այն լուծված 12625128 ՀՀ դրամ գումարի չափով:

Պատշաճ ծանուցումն ապահովելու նպատակով՝ կկիրառվի ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման մասին» Կարգի 33-րդ կետի 17-րդ ենթակետով սահմանված դրույթները:

«Գնումների մասին» օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում, պատվիրատուի ղեկավարի պատճառաբանված որոշման հիման վրա լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում: Ընդ որում սույն կետում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը (ծանուցումը) հրապարակելու օրվան հաջորդող տասներորդ օրը: Որոշումը կայացվելուն հաջորդող օրը այն գրավոր տրամադրվում է լիազորված մարմնին և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումը ստանալուն հաջորդող քառասուներորդ օրվան հաջորդող հինգերորդ օրը, իսկ որոշումը ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ

հարուցված և չավարտված դատական գործի առկայության դեպքում՝ տվյալ դատական գործով եզրափակվիչ դատական ակտն ուժի մեջ մտնելու օրվան հաջորդող հինգերորդ օրը, եթե դատական քննության արդյունքով որոշման կատարման հնարավորությունը չի վերացել:

Եթե՝

սույն կետով նախատեսված՝ լիազորված մարմնին որոշումը ներկայացվելու վերջնաժամկետը լրանալու օրվա դրությամբ մասնակիցը կամ պայմանագիրը կնքած անձը վճարել է հայտի, պայմանագրի և (կամ) որակավորան ապահովման գումարը, ապա պատվիրատուն տվյալ մասնակցին ցուցակում ներառելու պատճառաբանված որոշումը չի ներկայացնում լիազորված մարմին:

մասնակցի կամ պայմանագիրը կնքած անձի կողմից հայտի, պայմանագրի և (կամ) որակավորան ապահովման գումարի վճարումն իրականացվել է լիազորված մարմնին որոշումը ներկայացվելու վերջնաժամկետը լրանալուց հետո, բայց ոչ ուշ, քան մասնակցին կամ պայմանագիր կնքած անձին ցուցակում ներառելու վերջնաժամկետը լրանալու օրը, ապա պատվիրատուն դրա մասին գրավոր տեղեկացնում է լիազորված մարմին, որի հիման վրա մասնակիցը չի ներառվում ցուցակում:

Ընկերության կողմից, որպես պայմանագրային պարտավորությունների պատշաճ կատարման ապահովում ներկայացված որակավորման և պայմանագրի ապահովումները /տուժանքի մասին համաձայնագրերը՝ կից վճարման պահանջագրերի հետ միասին/, սահմանված կարգով, կներկայացվեն Ընկերությանը սպասարկող բանկ՝ տուժանքի մասին համաձայնագրերով սահմանված գումարներից համապատասխանաբար 3802625 ՀՀ դրամ և 1267541 ՀՀ դրամ Երևանի քաղաքապետարանի 900015211429 հաշվեհամարին փոխանցելու նպատակով:

ՀԱՐԳԱՆՔՈՎ՝

ՏԻԳՐԱՆ ՏԵՐ-ՄԱՐԳԱՐՅԱՆ

Կատարող՝ Հ. Մարտիրոսյան

Հ. Միերյան

Կոմունալ տնտեսության և բազմաբնակարան

շենքերի կառավարման մարմինների հետ

աշխատանքների կազմակերպման բաժին

Հեռ.՝ 011 51 86 76